

# 13 pegawai UMS-KAL hadir Kursus Pengurusan Aset

UB 28-06.2012 B2

**S**ERAMAI 13 pegawai kanan Universiti Malaysia Sabah, Kampus Antarabangsa Labuan (UMS-KAL) telah menghadiri Kursus Pengurusan Aset di Bilik Seminar, Bangunan Menara, kelmarin.

Penolong Bendahari, Jabatan Bendahari, UMS, Ammysiah Severinus

mengendalikan kursus itu yang dihadiri Pegawai Pemeriksa Aset di UMS-KAL.

Kursus itu diadakan untuk menambahbaik sistem kawalan dan pemantauan di dalam pengurusan aset alih dan aset universiti diguna dan dikendalikan dengan cekap, mahir dan teratur.

Ammysiah berkata selaras dengan Pekeliling Bendahari Bil. 3 Tahun

2010 berkaitan Garis Panduan Pengurusan Aset Alih UMS dan pelaksanaan MS ISO 9001:2008 Sistem Pengurusan Harta Benda UMS yang menetapkan agar pemeriksaan aset dijalankan bagi memastikan objektif pembelian dan penggunaan aset tercapai.

Katanya, tujuan pemeriksaan adalah untuk mengetahui keadaan dan prestasinya, memastikan

setiap aset alih mempunyai rekod daftar yang lengkap, tepat dan kemaskini serta memastikan setiap aset alih berada di lokasi sama seperti yang tercatat dalam rekod daftar.

**AMMYSIAH (dua kiri) bersama Pegawai Pemeriksa Aset yang menghadiri Kursus Pengurusan Aset di UMS-KAL.**

